

羅浮山志會編

羅浮山志會編卷之二十一

長洲宋廣業澄溪纂輯

藝文志

國朝五言律詩

宿金沙洞

谷口雨霏霏樵蘇向晚稀
寒花秋盡發孤鶴夜深歸
松定聞泉細峯高見月微
幽懷如有待竟夕倚巖扉

羅浮雜詠

四首

松風無大小吹得石樓飛
一片水簾影紛紛落翠微

月爲玉女鏡花是麻姑衣寄語大蝴蝶相迎羽客歸

其二

空外日氤氲茫茫四百君雨將雙嶽合晴以一泉分
石柱支青壁香爐吐白雲穿林深淺去驚起碧鷄羣

其三

玉女老人邊

玉女峯在老人峯之側

窺人出紫煙鏡臺一瑤石

裙帶雨飛泉明月白成水梅花香在天楓林蕭瑟甚
夜半尙聞蟬

其四

峯路時時斷翻嫌瀑布多水浮蒼樹去山逐白雲過
餉客惟朱州牽人是綠蘿踟躕石梁畔心奈欲歸何
自冲虛觀入錦屏峯

路入黃龍洞陰森山氣秋萬松寒欲折雙瀑日爭流
月吐金芝草雲開玉女樓泠泠風珮響渾與百靈遊
繇雲母峯上大小石樓

獨上朱明頂高聳仙子蹤玉樓夾日月秋瀑飛芙蓉
白髮幾時變青鸞安可從何人弄長笛忽過麻姑峯
從軒轅宅入迷居洞

曉起藥珠峯行行花影重林鳥飛落月山鬼嘯寒鐘
野飯芝泉冽秋衣竹翠濃昨宵逢道士疑是七星松

與諸子訂遊羅浮

梁佩蘭

藥亭南海

羅浮峯四百一半象蓬萊高作南溟鎮潛通句曲來
帶星壇影立迎日洞門開擬共乘龍仗雲間踏幾回

其二

高僧前日信道士隔秋書下界深愁我名山實起予
鐵橋聽暗虎金殿看銅魚紫葛青藤路何妨駕一車

朝蝶蘭

梁佩蘭

生氣鴻濛古真形物化微短長山葉裏團結洞雲飛
抱朴中含子流黃自有機麻姑長指爪拾取製仙衣

其二

神仙騎不得作繭未成蛾方寸藏身穩雲霞釀氣多
金丸無可比玉局更如何一笑人間世勞生在蝸磨

長生井

梁佩蘭

分明天地濶來作一堂埏澗畜神湖水花垂若木梢
鬱儀同紫炁太極在元包何必華陽洞騎龍訪大茅

其二

竊窈雲穿洞玲瓏乳滴巖山都爲客使啞虎是門監
丹氣長空塞峯形一角銜夜來壇影入星月滿楓杉

五龍潭

梁佩蘭

斲得龍葱竹行來不用扶龍潭穿洞曲鳥道立人孤
冰雪風難斷芙蓉影欲無請看銀作殿何處不天都

贈隱者

梁佩蘭

昔爾羅浮去高登四百峯身當騎啞虎身自割乖龍
海日通瑤室山雲起鐵笻靈踪如不隔仙夢繞芙蓉

送離烈禪師歸羅浮石洞

梁佩蘭

漸老妨幽獨逢人感別離那堪當臘日相送更禪師
孤雁聲何切閑雲去不知名山精舍在想見護寒時

過黃牛陁用東坡鐵橋韻

王煥子于

石屋依巖啓深篁隱華門繞溪搜石髓倚杖剔雲根
野栗香於藥山苓味代殮避秦人已遠此地賸桃源
合掌巖坐石觀瀑再用前韻 王煥

危磴攀蘿陟悠然有一門飛泉生靜籟古樹結靈根
坐石心如洗忘機口廢殮崑崙原不遠明日更尋源
華首樓用東坡居儋耳贈子野韻

王煥

大塊本逆旅斯樓草草成鮮霞拂低棟皎月移高檠
桂蘭蘊幽香琅玕憂清聲真人昨至止戒我學長生

舟從明月寺出泊頭

繆時鳴

西冷香山

秋江渡明月月明人到門非關遠公約爲憶梅花村
深樹轉籬落側岸繞芳蓀相逢問漁父或者是桃源
宿華首臺作呈湫霞懷覺慧音三上人

繆時鳴

古寺雙溪合雲流度度移人尋新逕路誰破舊籬籬

山鬼能聽梵龍天亦探奇高高峯四百長嘯在臨岐

鐵橋

繆時鳴

鐵橋雙險絕上下寒雲垂逝者自今古山情無合離
水龍吟淵底秋石長蓀枝白滿東樵月吹簫獨過時

詠仙物 二首

宋廣業 澄溪長洲

遺薪

修體細腰類蚱蜢觸之挺足潛伏與草莖無別相傳葛仙燒丹遺薪所化

丹井宿荒煙餘生火宅邊自甘同草芥不分作薪傳
靜得無心忍心依枯木禪入塵嬾垂手差勝地行仙

脈望

若遊絲若蛛網首尾循環不斷斷之有血常挂草木上山中人識之古謂

素魚三食神仙

字化為脈望

食古終難化小蟲
曾不如白魚成脈望
慧命在詩書
仙跡原無字
循環用有餘
莫辭數行墨
披卷問居諸

歸羅浮作

石洞

僧元覺

離司

相逢多不語此別復何言濁世能無我閒身自有邨
名峯聞積雪古木下寒猿若問還山路郎官舊洞門

同諸子宿通天巖

僧元覺

短策入荒煙棲心到石邊四山當落日一逕逼諸天
樹底看星聚身高對月圓悠悠人世事今古正茫然

石洞懷友人

僧元覺

雲過百花陰人歸一洞深易尋仙子跡難著世間心
好鳥鳴高樹涼風吹素衿長吟發清响何處寄知音

望羅浮懷舊隱

石洞僧

羅浮殊有情久別若平生知我舊賓主隔江遙送迎
片雲開石洞高鶴下朱明是處有人在半空聞笑聲

寄題羅浮山

吳一蜚

恕菴長洲

十載天南夢朱明古洞天煙嵐千丈迴丹旂四時鮮
葛令踪猶在麻姑跡儼然何當御風去長嘯揖羣仙

遊羅浮

李遙穀

南禾崑山

爲訪羅浮勝紆迴一徑通仙壇雲未散丹竈火猶紅
鶴立溪頭月松吟石上風神仙或可接何必問崆峒

遊羅浮

屠孝義

達菴四明

林列東西寺石分大小樓探奇因陟險攬勝必窮幽
古木撐雲出清泉帶藥收仙踪應不遠我欲問丹邱

老人峯

屠孝義

何代麗眉者昂藏洞壑春獨畱眞面目不改舊精神
海上風霜古山間歲月新翛然長抱膝閱盡眼中人

題羅浮山圖

陳培脈

樹法長洲

結想羅浮勝四百三十峯披圖欣一笑手弄碧芙蓉
玉女雲中見麻姑天外逢何當身化蝶去去躡仙蹤

夢遊羅浮山

楊

點

仲高吳門

我夢羅浮好峇堯四百峯
茫茫滄海外處處白雲封
羽化隨仙蝶逍遙跨玉龍
言尋勾漏令洞口記曾逢

羅浮道中

釋行敏

握學

松聲頻及耳一路納笙簧
瑞草迎風舞仙禽呀客狂
有山皆畫譜無地不文章
歷覽猶餘興林梢掛夕陽

葛仙丹竈

釋行敏

溪山霽色好扶杖步空臺
煉汞人何去尋丹客始來
雲封仙子跡鶴唳僻情灰
日影沈林表孤踪傍月回

四賢祠

湛甘泉建以祀周濂溪羅豫章李延平陳白沙久廢有石碑在豐草中

顧嗣立

袂君吳門

獨往黃龍洞荒祠懷四賢水飛仙洞直松護古壇
講學神仙窟逃名木石邊斷碑存舊跡猶記湛甘泉

今字綴

屠孝義

翻覆爲雲雨都言世道難因思歸掌握不忍作旁觀
峯嶺煙霞靜蒙茸草木寒和南應有意終古耐人看
望羅浮石洞舊隱

釋成鷺

羅浮如有情相見若下生知我舊賓主隔江遙送迎
片雲封石洞派鶴下朱明一處有人住半空聞嘯聲

泊頭登岸

劉世重

仰山香山

秋屐辭江滸煙筇接洞門鳥聲欣夕霽花氣向山繁
木杪生微徑藤梢入古村曜真峰四百何處問仙源
登華首臺呈塵異上人

楊應琚

佩之奉天

未去延祥寺先登華首臺四圍山勢合一道瀑泉來
巖合仙人掌溪流玉女杯老僧偏愛客杖履日追陪

五色雀

楊應琚

本是蓬萊種何須去上林無心常得見有意不能尋
却似鳳凰色而懷鷗鷺心羅浮峰四百棲止一何淡

燕子巖

楊應琚

既愛棲巖穴應嫌傍屋簷
海雲開錦幙天雨下珠簾
細語無人聽高飛總不厭
千尋一片石終歲草纖纖

題羊髻峰

楊應琚

不解麻姑意何來羅水陰
雙鬟出天表四面隔雲深
我欲踞山頂爲君插玉簪
會當風雨至幽思杳沈沈

和修上人午度佛凹嶺之作

楊應琚

度嶺日將半肩輿至此停
路餘一線白樹拔兩峰青
虎露懸崖跡龍翻澗水腥
衆人驚險絕我欲瞰滄溟

題朱明洞

楊應琚

說是朱明洞，朱明意若何。峰環山勢正，洞納日光多。
石上流泉水，松枝掛薜蘿。先賢有遺跡，風雨亦須過。

山中夜雨同友人拈韻分賦

楊應琚

春夜空山雨，幽蘭乃發生。雙溪流水急，幾樹落花聲。
秉燭雖無興，銜杯却有情。野田從此潤，我欲荷鋤耕。

羅浮山夜雨聽符子彈琴

楊應琚

抱琴居海上，相約至山中。一鼓漁歌曲，蕭湘雲水空。
五絃和夜雨，十指生清風。幽興杳無極，西窓剪燭紅。

多少宮商曲皆藏十指中調隨流水急聲入四山空
吾輩厭新曲先生有古風羅浮今夜雨花落石樓紅

五言排律詩

奉題惠州王子千太守羅浮紀遊詩後并以
爲贈

惠陽賢太守公暇事羅浮再作袁宏疏重開鄧岳遊
千旄先白鹿人吏後青牛主客參雙嶽仙靈至十洲
麻姑披露晃葛令拂雲裘五色禽時逐三花樹輒留
折梅毛女澗行藥羽人邱肘腋東西瀑房櫳大小樓
燭龍鞭子夜冰兔洗晴秋水使三千擎峯將四百收
蓬萊持一股齒齒取雙頭屢最靈胡力爐錘大造愁

天心窮斧鑿地肺恣雕鏤句出穿霞壁篇驚倒雪流
盡傾辭匠巧竟絕壯夫謀半月交吟嘯羣賢迭唱酬
體裁爭擬謝才藻總依劉踞石棋盤設攀蘿磴道修
平拋夸父杖險用博臺鉤雀躍鴻濛喜熊經疾痛瘳
煙嵐生翼翅洞府得咽喉蝴蝶車輪駕籠篋曲管抽
糞香來巨鳥釀酒有靈猴宮闕芝華割金銀艸汁投
頓能餐養壽不必樹忘憂冲舉嫌偏早流離恐未鳩
經營勞牖戶疆理及河溝廣置春香碓全膏秀麥疇
板搖資灌漑輦客荷綢繆犬吠宵沉柝豚操歲滿篝

泉源長受福。碇石永蒙休。玉繫三江帶。珠懸十縣旒。
舉帷還象嶺。拄笏更龍湫。教養姑爲郡。循良卽拜侯。
禮加磨鏡數。情向抱關優。飲御賓恆在。棲遲士必投。
蘭膏供夕誦。秬米佐晨羞。井竈齊嬰待。錢刀義季求。
鷺城頻下榻。鯉渚每停舟。柅響知漁父。琴歌識玉勾。
宮商千里應。清濁一時酬。麋鹿鳴芳杜。鳬鷺媚碧菰。
甘能珍訝。藹苦不棄瓠。瓠卉木。稽含辨蟲魚。陸佃。哀
枕椰隨蔽翳。翡翠任啁啾。扇繪多么鳳。書馱或果騮。
無防終意苒。有慶如麤麤。雉兔閒長網。桑麻廢大蒐。

條風紛鼓舞陰雨重和柔憔悴民雖解痼瘵已尙妯
神明元至道孝友亦嘉猷代燕何煩鮑知魚最是周
願叨棠蔭大遙庇桂叢幽梁化吾真羨天私此一州

家大人輯羅浮山志會編告成敬賦二十韻

宋志益

端齋
長州

羅與浮相傳名從汗簡傳幽遐鄰瘴海聳秀甲南天
蓬島神山接華陽地脈連縈迴環澗經杳渺繞雲煙
自古多仙跡于今尙宛然麻姑峰窈窕玉女影嬋娟
苔護燒丹竈香浮種藥田鐵橋橫碧漢石鏡澈寒泉

境絕行人少靈鍾物類偏蒲生九節異芝吐六英鮮
蝶化恆棲洞龍潛或在淵四時花似繡百尺竹如椽
勝境誰能繪奇聞未易詮袁宏曾作疏王冑待摩編
薄宦來遊遠高堂色養專著書耽寂靜蠟屐偶遷延
哀錄須求備蒐蘿殆得全志成同博物序述富鴻篇
剗剗功初竣縹緗色更妍名山藏弄處不朽埃他年

羅浮百韻

劉世重

仰山香山

勝境饒吳越名山最益梁洞天虛古懼福地限遊韁
近挹羅岑峻遙臨粵嶠長浮峰渾合影蓬島半來翔

截嶠朝羣巘，羊綿亘大荒。雙靈森竝峙，巨壑鬱相當。
直奠長離位，橫瀆牛女鄉。乾坤騰氣象，呼吸沸滄浪。
虛籟千叢發，迴飈萬騎驤。丹梯扶日月，墨障閟陰陽。
氣迴岷峩接，源深句曲藏。聚霞何奕奕，飛瀑更泱泱。
鹿嶺升磅礴，龍隈闢混茫。攀蘿披邃谷，捫磴陟高岡。
遂入無人境，旋依古道場。老僧迎皓髮，童子侍清揚。
的皪巖花媚，蒙茸雪蘂香。延祥悲廢寺，寶積禮空王。
佛迦開元舊，泉探景泰芳。戒壇餘鐵像，貝葉耀青緗。
緬邈都虛址，徘徊廣莫廊。魚龍殊玉質，鸞鶴迺霄凰。

縱目朱明外，披奇丹竈旁。衣冠猶蛺蝶，松竹自笙簧。
經始從勾漏，重修逮葆光。咸和成往蹟，天竺至今詳。
御簡亭何在，真人閣已亡。藤梢通一線，榛莽豁中央。
井里茆茨萃，田廬銍艾忙。美人空佇立，幽夢想荒唐。
雞黍煩遺老，村醪具折鎗。松風聊偃仰，梅月足徜徉。
積葉填頽徑，繁英覆短牆。林巒供遠矚，谿岫渺難量。
夕憇紺宮冷，晨興白露瀼。虎巖還躡屨，劍石故攜筇。
杞菊扶衰物，菖蒲養正方。行行隨蠟屐，采采及新涼。
赤喙看鸚鵡，彤雲指鳳凰。冬葵交白角，南燭翳青羊。

孤塔凌雲聳中宵見日常層城瑩阿耨曦景浴扶桑
絕壁窺天險懸崖帶曜僵振衣三界得抗首七星將
越澗仍躡步循溪或褰裳藥槽歸翠鳥符竹鎮蛇狼
小圃營坡老閒園陋辟疆秀芝恒五色喬木每千章
鮑守雲邊舄安期醉後觴麻姑曾振佩玉女復鳴璫
觀宇淪荆棘精籃占野裳蘭榮抽露本笋茁吐煙槍
公子思如結先生喜欲狂清芬矜滿袖甘脆藉克腸
奮往金砂路迤邐藥市坊黃龍南漢殿紅玉列仙糧
挂臂聞猿狖爭林見豕麀物華驚錯愕土植訝輝煌

瘦滑枕。椰杖葳蕤玳瑁牀。文禽登翡翠。彩翼失鴛鴦。
竹箭寧差等。元龜豈頽頽。樂材桐梓竝。藥味芷苓相。
卉以朱茅貴。機宜白葛良。離離金綿紫。若若御柑黃。
異果連京洛。奇珍怪狄羌。荔枝攢絳實。龍眼蘊瓊漿。
登頰櫝。萸赭祛痰桂蠹蒼。歲時喧楚估。迢遞塞吳艎。
况是維摩室。而躋般若航。旃檀開淨域。法雨蔭璇房。
世界諸緣盡。神休百族昌。元冥司澍澤。祀事著明堂。
帝子祝融宅。諸侯鴈鷺行。夙勤天子命。時舉咎氛禳。
奔走金龍燦。祇承玉版張。國家欽祀禱。嶽瀆介宗祊。

宣室南山獻豐年福兆臧千秋懸醺典奕禩儼趨蹌
未擬泥封盛終誇覽眺強憑虛窮窈窕投策息簣簞
恍遇逍遙子如逢抱朴郎草跌纔一瞬煙語詎能忘
野濶雲初散風清日正陽鐵橋尋木客瑤石叩金閭
此地原仙窟茲辰屆肅霜思山卑岱霍觀海小溟滄
樹抹浮沉靄晴飛縹緲檣郊原紛歷亂岷嶓互低昂
夜靜傳仙梵秋高響穴螢石門開石鼓天寶落天潢
柳拂談經座花沾拜佛牀雲疑排五嶺川欲控三湘
酒熱呼張旭詩成憶謝莊倦來頻徙倚興劇轉徬徨

霞賞收真與山餐煮蕨芒只堪謀茗椀不必繫萸囊
汗漫遺塵鞅登臨得大綱遠遊冠自好東郭履何妨
久蓄尙平願行爲五岳裝會須同許碣蚤晚遍衡匡

國朝七言律詩

憶羅浮梅花

梁佩蘭

樂亭南海

名山屢有梅花約，肯使花時與願違。
雙屐不忘瑤室遠，一筇先擬鐵橋飛。
朱明達曙冰含日，玉女深宵月照衣。
最憶幾蘂香雪裏，綠毛么鳳遶人歸。

送黃燕思遊羅浮六首

梁佩蘭

登臨難得值春晴，况是名山夙願成。
巖壑聳來皆黛色，瀑泉飛出半風聲。
天從牛女星邊落，人向蓬萊頂上行。
試聽雞鳴才夜半，海門初日上朱明。

石磴銅梁面面逢，分明天畔插芙蓉。
何緣拔地三千丈，得到磨厓第一峯。
身在鴻濛高處立，眼看雷雨下頭封。
勝遊不減尋幽興，知對山僧夜叩鐘。

曾訪三茅讀道書，羅浮今控羽人車。
紅雲擁路聞搖珮，白日當空見步虛。
洞口有人騎蛺蝶，松根無地捉蟾蜍。
石樓往日軒轅宅，我亦將尋去結廬。

廣帶天風日夜飄，雲螭駉處卽叢霄。
能無仙仗排銀殿，好竝長虹跨鐵橋。
絕頂望窮三上界，半空飛下九靈簫。
誰人爲作青精飯，朱草神芝摘玉苗。

有誰筋力勝孤藤。直上高高見汝能。雲日薄來隨上
下。罡風吹不到峻嶒。青鸞白鶴瑤臺樂。絳雪丹砂石
室燈。何用華陽將十賚。只須南燭兩三升。

杜鵑花發卽爲春。靈境都忘節候新。衡嶽接連同巨
鎮。南溟空闊極朱垠。浮雲上結金銀氣。倒影斜安日
月輪。手翳鳳凰還得髓。賦詩那惜贈詩人。

初冬舟發東江赴錢蔗山明府遊羅浮之約

先此奉柬

梁佩蘭

郡城長夏同攜手。節候驚人忽過秋。病後幾番疎遠

訊身閒今始赴佳遊江空極浦沙盤鶴天入高帆月
照流欲訪名山尋地主故人先爲說羅浮

華首臺夜坐同陳獻孟賦

梁佩蘭

歷歷高臺隔斷煙夜深人似坐空天四方星列衆峯
外一院月明雙瀑前松影暗移巢鳥亂石堂寒閉定
鐘圓與君笑指山僧榻此是維摩不二禪

簡書得乾蝴蝶

羽化羅浮不記年丹書蠶食得神仙蜉蝣衣服消冰
雪科斗文章老洞天尸濁定知悲玉斧魂香應尙在

花田無情易謝人間世朽麥生涯信可憐

朽麥化爲蝴蝶

舟過石龍望羅浮山寄華首臺塵巽大師

鄭際泰

珠江順德

撲面風塵覩面山洞天翹首有無間神仙可望不可
卽吾道有忙須有閒大藥已成丹竈冷小乘無奈石
頭頑老人端坐飛雲裏何日尋師扣竹關

綠雲圃試茶用東坡含笑花韻

王

煥

子千

華首臺東古洞前燒鐺旋汲洗心泉嶺南臘月如三

月雨後涼天忽煖天圃種新茶醒客醉峯堆頑石答
僧禪振衣直躡飛雲頂共訝王喬尙未仙

枯山茶再用前韻

王 煥

奇材每沒枳榛前喜種靈根傍玉泉盡說異香生瘴
海却憐珍卉長炎天崖頭枯木禪中夢園吏朝菌夢
裏禪何用繁言解真訣生新化朽卽神仙

遊羅浮朱明洞天

二首

陶 敬肅公

浮傳于羅四百峯峯峯烟霧幾重重千年丹竈今猶
熱半夜扶輪色已濃華古臺高仙樂響朱明洞古碧

苔封到來塵思三千里疑有松喬旦暮逢

共羨南荒大洞天石樓雙闕對相連浮來奇島疑蓬
閩化去高真耀簡編策杖時逢仙子蹟迎賓喜有異
禽傳愧余澹薄甘儒服欲扣朱明問上元

中秋夕登飛雲頂還至鳳皇谷繆時鳴

西泠香山

繆子西泠香山高士也曾遊南嶽力躋岑巘留題
而返尋入朱明獨策短筇登飛雲絕頂時值中秋
賞月於鳳皇臺上狂歌痛飲髣髴若有所遇還里
數日無病而逝臨終時語家人云吾從羅浮來還

從羅浮去一笑掩息東樵成鷺識

青空屏障插天開險歷巍巍磴道迴孤策似疑風作
御中秋剛是客登臺三峯鳥認巖邊樹一逕雲流石
上苔道是鳳皇尋不見花時惟有杜鵑來

大石樓

繆時鳴

層層隱顯壁嶙峋青障懸崖隔世塵欲近天尋雙柱
石最高身是二樓人高高玉女空搔首遠遠麻姑許
結鄰遍地露華流白雪行過金線艸如茵

百花逕

繆時鳴

高天平插兩峯寒路折雲深欲上難一逕百花渾似
綉懸崖千葉盡成丹燕多合片巖爲壘蝶近傳香粉
帶翰料得飛瓊閒過此亦應簪遍紫霞冠

宿冲虛觀

薛始亨

劍公

春水新乘錦鯉魚梅花路入葛仙廬月籠藥市啼紅
翠雲鎖瑤壇秘綠書玉舄遺軒通碧落羽衣荒塚傍
冲虛釣天何處勞清夢石室閒調五野豬

擬送吳妙明女真人還羅浮時真人有玉京
上元之召

薛始亨

海客曾乘八月槎名山原屬列仙家松巢老鶴將雛
子石壁蒼藤落細花絳節有期朝玉闕芳詞何處寄
瑤華上清路比明河遠秋入晴空片片霞

曉望羅浮

宋廣業

澄溪長洲

四百峯頭接大通天光雲影入晴空好音彷彿來元
鶴霽色依微挂彩虹洞裏丹砂煙火外仙家雞犬有
無中憑誰寄語朱明主借我前陂七尺筇

閱前增城令陶肅公羅浮山志寄懷一律

宋廣業

偶因山志識君名選勝懷人逸興生高論竝將崖瀑
瀉文心爭似碧潭清早歸衡宇思彭澤遍訪名山媿
向平留得文章藏洞府令人千古憶增城

題羅浮慙山天然兩禪師行楷真蹟

宋廣業

筆力皆從道力通得心應手各稱雄精嚴結構歸圓
鏡變化神明類轉蓬說法行間成夢习皈依華首悟
真空羅浮勝侶知多少禪藻繽紛此二公

慧輪上人見示阿字禪師光宣臺集

宋廣業

雷峯門下固多才派衍光宣道藏開口似懸河無窒礙心如止水絕纖埃密叅至理窮幽境曾示顓蒙現聖胎塵世幾經緇淠後從知不昧是西來

丹霞願來上人見示澹歸禪師徧行堂集

宋廣業

儒佛由來旨不分行藏合道孰如君半生勁節留青史一夕明心禮白雲詩寫性靈歸古澹禪通南北絕紛紜徧行堂集名傳久捧誦真同貝葉文

羅浮山志告成貯版華首臺寄塵異禪師

朱廣業

三年積想問南能華首臺中一箇僧
寶鏡早傳三昧印金檠分照五家燈
居鄰穗石長如客峯接蓬萊獨自登
笑我臥遊遊未得聊憑文獻作明徵

羅浮梅

標花百詠之一

朱

璋

玉章吳門

梅產羅浮迥絕塵高峯四百護花神
淡粧靚服渾如夢冷豔寒香欲逼人
丘壑鍾靈超俗品煙霞爲侶得天眞
因何只有師雄遇千載從無再現身

欲遊羅浮未果有作

陳葉筠

廷望長洲

南望羅浮接杳冥三年辜負洞天行
雲霞離合歸蓬島鸞鶴迴翔近玉京
鳥道應餘丹竈蹟蟲書猶記竹符名
何當高咏懷仙句四百峯頭看月明

羅浮

管永賢

書誠吳縣

聞說羅浮仙子宅黍珠宮闕彩雲邊
峯頭夜半先迎日洞裏春深別有天
石室丹成灰未冷花村竹長簩猶鮮
他年勾漏求爲令願得乘槎訪穉川

望羅浮與友人訂遊

屠孝義

蓬萊四明

流覽名山應及時羅浮在望獨遲遲
時余署惠州兼
屢欲往遊而未
得清宵易繞梅魂夢仙窟難尋蝶蛺蝶遺遠近煙蠻皆
湧翠高低螺髻各爭奇與君同蠟東山屐春日扶筇
遂所思

七星松

屠孝義

千尺龍鱗聳碧天斗星位置恰依然化成黃鶴朝丹
闕勾出青芝長玉田翠影離奇橫夜月怒濤澎湃入
雲煙笑他十八丁公夢空惹紅塵幾許年

華首臺

屠孝義

虬松盤磴鬱蒼蒼華首臺空景物芳無數蒲花浮淺
碧幾多蝶翅染深黃時過林間黃蝶數百千飛出鐘聲雲裏飄來
濕梅萼風前笑自香此是神仙真妙境石牀一枕任
徜徉

望羅浮

王炳

青天削出碧芙蓉面面奇開四百峯絕頂夜看初日
浴上方都入白雲封樓分大小翔珠鳳瀑掛東西下
玉龍那得御風從葛令登壇共撫七星松

擬遊羅浮

李

郁

長文順德

一自蓬萊失左股羅山常竝海山浮好尋靈境長年
集共樂仙家不老秋崖室半含丹竈火洞天遙聳白
雲樓探奇此日登臨興欲上三峯上界遊

羅浮冲虛觀

釋今覲

鐵笛梅花洞口寬
畫梁煙鎖御書寒
末蟲有意緣符竹
仙鶴何心立古壇
明月自來浮赤水
釣天誰復奏黃冠
空餘蝴蝶叢升竈
肯信人間一夢殘

題寶積寺

僧元覺

亂餘山路少人行
古寺閒花滿徑生
鐵鑄真僧重過火
土頽金像不知名
石幢有咒雲常護
香閣無基艸自平
頭白樵夫頻向說
十年巖壑罷春耕

送蔡伯昭歸潮陽兼遊羅浮 僧元覺

先生歸去更何之
牢落殘年是別時
投老有心求至

道旁人何事，悵臨岐。仙洲漫採長生藥，石洞應留舊日詩。歸去靈山深處，隱閒雲來往，定何期。

遊羅浮寄跡刪靜主

僧元覺

羅浮直上飛雲頂，長嘯猶疑逼梵天。四百名峯當面出一輪，紅日正中懸。花開巖畔能留客，藥老谿頭賴有仙。回首同遊虛舊約，幾時重結住山緣。

羅浮詩

四首

海幢

釋古雲

雲菴

絕頂洪濛不辨天，此身渾是洞中仙。重巖日照光如洗，下界雲生白似綿。五色琉璃涵碧落，千般錦繡在

林泉江山萬里空成畫獨踞靈峯半悄然

迢然溪竹路何危欲入春山自不疑花帶蒼藤開更
艷鳥多紅羽啄還遲洞迷人影聲相叫煙暗蠻妝色
漸奇誰現谷中茅半片誤隨銀瀑一斜窺

高高萬仞濕衣寒天外孤筇不怕難絕壁眼空低盡
放平崖魂倦繞初安啼殘山鳥人偏老摘得琪花興
自寬且把雲庵籠日影好聲吟與葛洪看

藥生樵徑不知名石澗潺潺盡日聽萬壑繞衣沾老
桂二樓閃眼小重溟雲中古觀珠花樹松下香臺貝

葉經猿聽鶴歸無限意人間誰是夢初醒

初住羅浮

石洞僧

常時夢見醒來說今日羅浮乃昔渠夢裏相逢都若
是醒來所見定何如高廳臨樹床頭鳥細石通泉屋
狎魚久住却嫌人境近杖藜扶我入深居

老人峯

石洞僧

誰將大冶轉洪鈞鑄就金剛不壞身山色溪聲眞法
界銅頭鐵額老閒人雲迎几杖行藏穩鳥作兒孫笑
語頻莫道此中無曆日覆眉霜色換青春

歸隱羅浮留別陶握山羅戒軒

釋成鷲

人山踪跡恐人知一笑相逢是別時
苦海看誰先到岸長途憐我始分歧
貧慙軹里能將母老怪柴桑亦戀兒
底事累君良不淺未應還索贈行詩

初入羅浮寄呈石洞本師

釋成鷲

萬事皆休豈復疑美中不足但違師
眼前畊鑿無關道心在耒鋤漸廢詩
坐對潺湲通語默歷窮岑嶽得平夷
主人欲問羅浮事荆棘當門花滿籬

過華首臺

釋成鶯

人生那得四百歲一歲羅浮住一峯去日轉多來日
少南山遊遍北山同倚檐雙瀑晴天雨夾路千松暑
月風地主不收僧借去古臺移向洞門東

歸自羅浮過鐵城諸子述洞天之勝

釋成鶯

年來莫訝到城稀纔到羅浮昨日歸渡海呈山雲出
袖當人說瀑冷侵衣禮隨筋力客疎放心似顛毛漸
細微良晤未知頻得否秋風孤鶴又南飛

羅浮山居二十二首

釋成鶯

閒身初住鐵橋東
回憶家山事事同
就樹選藤增健
僕入林逢藥慰衰翁
峯高豈礙當中日
谷靜常來正面風
誰信嶺雲猶可贈
不堪持贈但長空

洞門不掩有雲封
土面灰頭學老農
野菜盈筐因長
筍枯柴克擔爲憐
松地爐自種經旬
火水碓長留隔
宿春莫道此間寡
鄰並午齋風送遠
山鐘

安居原不涉思惟
莫道吾宗也大奇
夙習未能遵世
諦虛名偏喜少人
知水邊黃葉隨流
去樹裏青山背

日移拾得一枝無孔笛前人吹破不堪吹

年來得力是忘機物外孤心漸入微蟲惜清聲終夜
語鳥因昭質傍林飛憑他風雨能侵席到處晴陰不
掩扉牛角好山誰作主自憐臨老始知歸

古堂流水細通渠憶昨郎官此讀書斷碣有趺藏
鼎方池無底漾蟾蜍青山綠樹長爲客翠竹黃花盡
起予但得把茆安杖笠不愁無地種紅蕖

宿雨初晴策短藜看雲行到亂峯西眼前圖畫無人
繪皮裏詩囊且自携果熟靜觀連蒂落松高曾記與

眉齊分明一簇香風過開遍山樵又木樨

莫訝居山祇一身從來賢達泯疎親破鑄折脚安三
耳古廟當頭識四鄰阿耨日高光澈底蓬萊月上淨
無塵老僧未必全消得解與吾宗在道人

六時禪誦又斜懸童子燒香禮願文向晚也須遲掩
戶前峯猶有未歸雲巖猿宿樹仍留果社鼠依山亦
斷葷莫怪痴心愛狂黠相逢盡道不如君

引泉歸舍問寒暄酌水臨流識本源百尺青蛇分地
脈一條白練出雲根枯樺久廢因齊物機事都忘只

灌園却笑當時漢陰叟從無佛處也稱尊

清晨客至暮方還問我何心住此間在世但知聊寄
跡旁人都說是居山近嫌路有樵人識漸覺門須待
子關他日與君相見處斷崖移屋不堪攀

疎林微月晚涼天留與閒僧坐試泉老蚌腹將弦後
魄枯桑轉得鑽頭煙波沈桂殿涵三五影滿茶鐺煮
大千惟有道人知此味一杯寒澈夜深禪

雲頭雨足楚娃腰特地奇峯出漢霄微路暗通行石
腴把茅牢結凭松寮竈邊泉號孤僧井屋角田供一

歲瓢箇是老夫歸宿處時人驚棄幸相招

終朝役役嘆吾曹絡馬穿牛共一牢野蘭結成空自
縛文蛾飛去不堪縲重樓變可隨孤蜃大地浮沉仗
六鰲何處藏身沒踪跡華亭船子自家操

一日能閒一日過山中幽事豈須多風前衆竅呈莊
籟月下羣猴學楚歌土掬丹爐泥破竈葉收仙篆補
殘簑外邊憑語應難信曾記兒時訝棗駝

磴道尋僧坐試茶石泉槐火足生涯前人喫過成渣
滓上客拈來薦齒牙雲外鳥窠春下種雨前雀舌晚

抽芽不嫌揀擇無煙火豎起旗鎗果作家

大地全安曲肱床尙餘閒隙置皮囊三間破屋難留
客一箇孤僧亦過堂納得須彌無芥子持來贖藥有
真方閉門刈取庭除艸歸去爐頭較短長

昨夜燈前細雨聲曉來林鳥報新晴日乘風勢排窓
入雲寫山光對枕橫蓮房未落兼花供芋屋初開帶
葉烹二六時中且如此明朝依舊可憐生

盤渦流瀑下泠泠上有前賢洗耳亭自是一塵難遣
往未知何事不堪聽能輕南面名長在解吸西江道

始冥借問當時巢與許深山那得異堯庭

飛雲天半碧層層萬仞孤峯不易登行遇斷崖看撒
手去當無路莫牽藤一莖細艸皆成藥方寸閒田可
住僧多少懦頑難到處程途終日問南能

風吹涼駛入懷深坐對山光靜理琴莫道無絃彈得
好從來此曲少知音蹄空未易兼忘兔情盡猶難在
遣心獨抱南薰終古後不傳惟有水仙吟

靈山會上老瞿曇闕里先生柱下聃假使相逢同丈
室不知誰復發高談輪成九達應同轍鍼臥三洲盡

指南大笑腐儒今學佛艾著猶自說亡簪

經旬銅片一開奩靜處窺形敢自嫌任運去留今面
目因人嘖笑舊鬚髯山風浩浩雲歸岫天宇澄澄月
到簾獨往獨來還獨語我生何幸老窮檐

客珠崖懷羅浮寄山中諸子十四首

釋成鷺

隔水看山東復東片雲無住寸心同出逢岐路誰家
子釣盡江波何處翁覆頂千絲難禁雪當門兩齒不
關風身閒投老知何日獨倚孤筇問碧空

海濤近枕夜淙淙旅夢鄉心未易降
乘月一歸雲裏洞挂帆猶記寺臨江
三身衣覆枯僧榻四壁燈明古佛幢
香印半銷人定後飛蟲何事觸明牕

洞裏主人去不來好山拋向白雲堆
巖花落盡空中雨野火燒殘劫外灰
虛室豈宜終日閉重門相待及時開
懸知開後仍虛室寄語同叅莫見猜

野老經年別古壇東林岑寂葉重丹
鶴藏雪裏微窺頂鷄剛蓬中自正冠
月滿鐵橋人過少臘殘瓊瑯客歸難
春來擬補尖頭屋去拾松花就地餐

當時一入便忘還分得雲房屋半間笑我往來仍渡
海輸他飛去不離山拋將松竹無田地領取生涯有
死關庵主縱歸難得見孤峯從此絕躋攀

三條篾束十圍腰漸遠塵寰近碧霄雲水相投因繫
屋蘼薇將罄便移寮人間未易開雙眼林下還思挂
一瓢早晚閒身定歸去小山叢桂不須招

九十春秋強半過住山時節苦無多海濱自顧垂垂
老林下還思踏踏歌雲豁晚煙籠瀑布石門晴日曬
藤簑主人何事不歸去笑殺南邨郭橐駝

一鉢雕胡七椀茶。衲僧隨分有生涯。摩醯頂上開新
眼。香象雲中痊舊牙。結社更思修白業。還山不礙煮
黃芽。庵西道者如相問。若子年來解破家。

止有雲霞覆短床。不留餘物在空囊。因探泉脈移茶
竈。爲愛松風結草堂。一日別山同隔世。經年高枕當
參方。老來漸覺無筋力。歸路爭如歸興長。

多謝山翁遠寄聲。別來林下幾陰晴。堦前掃葉雲容
亂。樹底窺花雀尾橫。拾得仙砂無法煮。種成鬼芋待
時烹。知君笑我長爲客。歸日何曾面目生。

洞門流水碧泠泠經過人間不暫停
谿舌廣長當下見雷聲浩大靜中聽
逶迤入海成波瀾迢遞看山隔
杳冥獨有庵西泉一綫夜來涵月浸空庭

獨木橋邊水自流閒鷗野鶴自相投
垂楊未識青驄馬細艸偏宜白牯牛
海日射開新病眼晨鐘驚起老
枯骸山中事事堪相憶昨夜松牕月一鉤

癯形衰態笑窺奩世眼相逢豈免嫌
自有天生窮骨格不須人羨美髭髯
林間得病常欹枕海外無寒亦
下簾正憶故山此時節梅花和雪壓重檐

細寫新詩寄嶺南區區誰識是空函止啼黃葉從君
玩無口匏瓜且自緘風轉谷聲鳴衆籟日迴竿影下
長杉何人領取居山去脫却平生鶻臭衫

歸路再經羅浮不能遊焉賦此留別

釋成鷺

曾與洞天成密約今來歸路復何言青山當面又虛
度白首盟心永弗諼萬壑有風皆到海一溪無水不
通源幾回領畧羅浮遍莫笑麤人空過門

意外堂陪宋觀察夜話時有羅浮之約不果

行

釋成鷺

欲訪仙人華子期東江春漲滯旌麾
名山好夢難成候細雨寒燈共話時
石洞艸荒僧已老蓬山水淺路多岐
飛雲半夜三更日獨立孤峯知是誰

華首臺

釋行敏

惺學

有約羅浮不易逢偶來林下問仙踪
遙看茂樹餘千麓初入名山第一峯
華首已非昔日會緇流猶撞舊時鐘
浪遊欲極溪巖勝竹杖憑須化作龍

登飛雲頂

釋行敏

岩堯絕頂幾人登萬里天南一柱撐紅日夜分波底
見白雲山半樹頭生儼然身世依蓬島誰道峯巒非
玉京翹首凌霄應不遠劉安雞犬似聞聲

別華首臺塵異禪師

潘

耒

穆堂吳江

應是前生有夙緣萍踪邂逅便欣然同觀浴日無央
海共踏飛雲有頂天說法憑君超性相論文許我透
中邊此心不隔毫端在莫問離程去幾千

望羅浮作

潘

耒

曾踏飛雲第一峯雞鳴海日浴芙蓉十年長是裁詩

憶萬里何期到眼重白入九霄龍洞瀑青籠一谷石
樓松鸞吟蝶舞如相待準擬秋深策瘦筇

將有羅浮之游簡張別駕北山

時攝篆博羅

顧嗣立

俠若吳門

世傳詞藻張平子好客天南集勝流半刺翩翩鶴水
闊雙鳬飛舞象山秋冲虛觀是仙翁開華首臺因菩
薩留願借圖經親指點篋輿引夢到羅浮

夜宿冲虛觀

顧嗣立

真到朱明七洞天黃昏獨謁葛神仙寒添薄絮知雲

襲衣閃殘燈背雨眠雞唱曉光半滿日暮秋色深
庭煙亡鞦韆杖忙收拾好踢飛平第一頭

山行次韻

顧嗣立

仙茅符竹綴疎籬玉女娟娟露秀眉圓石長苔漫赤
字方田流水種青芝風披蕨草山疑動雲出孤峯僧
獨知迷路得君頻指引扶筇不惜手同攜

贈冲虛觀張雲仙道士

顧嗣立

道人特愛長生水移住羅溪四百章藥餌草香鳴翠
鳥半壇夜靜降銅龍當年吳苑施符術何日名山訪

鶴蹤蝶繭竹符仙迹在鐵橋空悵白雲封

僧樓望月有懷塵異上人
顧嗣立

錦屏峯合夜嵯峨劫裏喬松脫斧柯羅浮古木盡是兵火惟華首

偶水流鳴澗急月斜山入小樓多三千仙境終

難到余以未登飛去頂為恨五百真人曾此過慧遠錫飛何處

去蓮後會未蹉跎

梅花村

劉世重仰山香山

路入平田野燒痕茅簷

傍山根松風故作前

雨梅月忽來何處村

壺春寂歷雪殘瑤圃鳥

飛翻芒鞋欲遍諸峰勝
取次尋幽到石門

飛雲峰

劉世重

曜靈嶽際天
寬日出中峰
夜未闌
玉樹碧連阿
耨塔
乳香繞聚仙
壇凌空霧
散侵衣溼
駐足雲霄覺
更倚鴻濛最高頂
百城一撮笑中看

上界三峰

劉世重

初月厓十洞天
直排閭闔賦遊仙
峰峰鼎立虛無裏
步步猿攀日月邊
石白靈苗僧採藥
水簾飛瀑客深泉
行逢皓髮鋤雲叟
招手青羊話紫煙

鳳凰谷

劉世重

雙山縹緲絕塵蹤
太客追攀信短筇
出洞有雲時五
入天無雨自三峰
池開夕照翔文鳥
石憩蒲團

玉女峰

劉世重

竊覩雲下翠屏一
珠曾列七襄星
誰將天漢支機
石作炎陬福地靈
瑤室佩環勞想像
巫山雲雨洞
空青
鮑姑鸞
麻姑鶴
好好聯翩叩月局

鐵板

劉世重

絕巖層巒不窮天成峭壁跨長虹五丁不用開爐
冶八造何須費斧工匡阜石梁分脈絡銀河靈鶴與
迢迢煙磴誰曾度除却飛仙有路通

雲母峰

劉世重

和星精澗道旁仙姑巖壑曉蒼蒼投殘十二雲英
拾得雌雄寶鼎方寂寞笙簫歸月殿葳蕤蝴蝶上
芳房謾誇紅玉千年洞白石青霞信渺茫

雙髻峰

劉世重

長蛾眉本十洲偶隨鸞鶴到丹邱平梳翠鬢朱

曉並綰雲鬟碧落秋天上月輪疑寶鏡海中蜃氣是
妝樓會須倒汲銀河水洗盡人間粉黛愁

朱明洞

劉世重

冲崖北朱明洞嶽麓真人舊掩扉寂寂寒潭誰洗
離仙蜨想遺衣松聲一派流雲響野色三更浸
月試訪葛洪煉丹處玉芝瑤草帶煙肥

卓錫泉

劉世重

曾此留飛錫一潭靈泉應錫生清可照天無色
猶能人有虛明星前下過苔衣淨洞口風迴

超軼待三仙。餅煎墮葉黍珠樓下聽經聲。

蓬萊峰

劉世重

袖造分越海西列仙危磴與天齊鉢盂霧重藏玄
豹繡春深長碧雞十二樓臺爭洞穴三千世界盡
招徠馮誰乞取長生訣笑指曇花落杖藜

麻姑峰

劉世重

何年仙女御雲輶貝闕璇房駐桂旌月魄照孤環日
影露華飄落步虛塵珍禽的的來蓬島金線茸茸白
亦城斷絕塵寰脂粉態裁焉壁立倚秋清

孤青峰

劉世重

突兀危峰一柱孤，松濤石簾鬱清都。崑崙邊紫蓋延午，
甘泉上籀文厭虎符。華首旃幢原響應，長春殿閣已
棲葉校筇憩足。金沙照采采安期九節蒲。

石樓峰

劉世重

天門遠峰同奇朱仙，灝悅有萌莢久沉谷口一聲
鐘。川中數着碁曳齒，殘霞滄海近吐空。孤鶴彩
雲歸石，當信宿雨樓寺臥詠東坡小圃詩。

龍洞

劉世重

栢柏

同宇寒上方魚磬落雲端天華夢冷傳

溪道十松高訝斗壇十里石梁通翠嶂九霄靈御渺
青嶂江爐歇盡金沙氣嶺有黃龍水石盤

水師洞

劉世重

奔湍下五龍泠泠珠箔掛高峰花飛曲澗千山
雪飛懸厓萬壑松石曰已無紅翠集月巖還有綠
封軒轅舊宅秋聲外悵望羅浮策碣東

瑤石臺

劉世重

清曉仙蘿入杳冥白雲如絮覆金庭盤空一氣瓊瑤

色 湖千羣鳥獸形參錯頗疑天竺怪玲瓏還羨大
湖清思從遂谷真隱傍着陰厓結小亭

青霞洞

劉世重

閒持白水泥丸術來闢青霞谷口仙龍虎丹成曾幾
日蓬萊蟬蛻已千年雲蘿石室惟朱草鳥散瑤臺但
紫烟

幽居洞

劉世重

歷盡谿徑路漸平白雲開處梵音清旃檀枝老見猿
桂雨烟不乾聞鹿行出壑月銜書院靜奔巖水洞

蒼生不見逍遙子散髮峯頭問許瓊

桃源洞

劉世重

一溪飛泉響雪濤會仙而帶兩崖高繁英片片隨流
水冷冷見碧桃洞裏煙霞憑鶴引雲中雞犬向
八七 仙溪直溯龍潭去看取丹陽舊藥槽

月夜同友人登浴巾亭得虞字

楊應琚

佩之
奉天

今日登臨實不虛天風吹我上亭隅前人詩賦留碑
碣此江山入畫圖滄海百年通寶使文章一代屬

迂儒新沙漲滿黃灣水浴月名虛夜月漲

遊符竹山下西溪

與諸人作得遊字

楊應琚

竹竹峯頭雲半遮杖藜先去水西涯一灣折處成幽
徑幾道飛來濕落霞傍澗石窩如井臼縛松藤蔓似
蛇羅浮此是最淡處更有淡山山外斜

次吳二建中

遊華山臺韻呈盧吳上人

楊應琚

沒

意未曾酬華首望來作勝遊一徑任教春草
常見雨花浮高飛翠嶺雀五色閒倚青公僧
到空山已十日可能銷盡百年愁

志會編卷之二十二

長洲廣業澄溪纂輯

文志十三

言絕句詩

羅浮

梁佩蘭

藥亭南海

本是蓬萊岫南來逐海潮雙峯連碧漢上有一天橋

鐵橋四首

梁佩蘭

二山相接處賴有一飛橋天作浮帶無令逐海潮

其二

羅浮若夫婦一合不復離只恐鐵橋斷大川來間之

其三

羅主浮爲客相依甚有情一橋通血脈終古似雲橫
其四

橋下一飛泉散爲諸瀑
仙泉界羅與浮仙人不得度

觀瀑

梁佩蘭

白晝飛瀑濛濛看若煙
初風吹恣倒飛半掛崖邊樹

韻對梅

八首

梁佩蘭

只一樹香已滿舍風清絕無魂夢
相尋至夜中

其二

誰心南無雪紛紛作早梅枝西有紅翠一啄一花開

其三

春入去枝早含香 欲門爲天留一个風日莫相催

其四

香透堅冰出開時及一陽沾苔君莫掃片片是春光

其五

向夕山煙歛花光一片寒若非香不斷都作月別看

其六

南國雖無雪紛紛在鬢絲梅花吾與汝同是白頭時

其七

寂寂空林裏花開若有人夜深枝上鳥驚出月光頻

其八

本自暗中生消人寂寞閉闌香難入夢徙倚到深更

梅花吟咏梅詩多
歸雄夢美人
專若真欲羨其遇奇者作此翻之

望獅子峯

梁佩蘭

山翠晴猶濕空濛翠作煙天門何所有倒掛一晴川

葛洪衣冠塚

何代葬神仙朱明深洞邊遺衣化蝴蝶五色霞鮮

羅浮曲

二首

梁佩蘭

可憐羅浮山離合亦有時天雨羅浮合天晴羅浮離
其二

頗有一鐵橋高高跨紫霄羅浮離復合不用涉江潮

梅花村作

梁佩蘭

花發當村口牛羊踏幾層仙人餐不盡多半化爲冰

倒挂鳥

二首

梁佩蘭

已食沉水煙復藏雙翅內時放煙氤氲幃中香久在

其一

黑澗與黃沈持薰倒挂鳥不教雙翅開收得香煙少

羅浮通天巖

梁佩蘭

玲瓏上通天側壘下結屋莫策糊獮藤入驚白蝙蝠

合掌巖

梁佩蘭

老僧宴坐時終日長合掌山鳥無一鳴惟聞瀑聲響

曼陀石

梁佩蘭

分明一道泉練練垂石上好是曼陀花諸天來供養

藥槽

梁佩蘭

藥槽飛節芝香氣上衣領時有搗藥禽龍潭過留影

曼陀石

陳阿平獻孟東官

高瀑濺天花中有曼陀石溪聲遶四圍盡說無生法

合掌巖

陳阿平

天留合掌巖以待余冥坐借問巖中人空生何似我

沖虛觀雜詠十首

顧嗣立俠君吳門

朱明洞

中虛窈無底日月出其裏北通句曲天大道五千里

葛仙翁手植古梅

老樹已枯折根上復長新枝高四五尺許

蚪龍怒佶屈半夜裂石死天矯愛新枝著花去年始

稚川丹竈

高五尺周六丈道士取竈中土爲丸號曰丹渣嘗以餉客云可

療腹疾

丹竈留丹渣至今厥土赤夜夜騰神光照見峰頭石

長生井

井爲張道士雲仙所鑿味甚冽掘土得古器數枚疑卽仙翁丹井也

傳聞地獻寶靈液出豐草每日汲三升何必安期棗

東坡山房

今爲菜圃後有據梧臺右有釣魚石池

據梧臺作牀釣木石容膝樹影涵波光中有東坡室

白蓮池

在麻姑峯下

一勾仙源水麻姑此駐車夜峰邀月至迸上白蓮花

會仙橋

斷木架清溪石橋那用作仙人足踏雲來往自飛渡

朝斗壇

東坡所云朱真人朝斗壇觀壇上所獲銅龍六銅魚一卽此

銅龍自天落夜半斗縱橫壇上真人去猶聞珮玉聲

黃野人廬

野人稚川弟子服丹爲地行仙廬常有啞虎守之

空山瘖虎臥長嘯幾千年天上多官府輸他作地仙

藥市

今無考惟書堂南有藥槽石臼乃是稚川煉藥所遺

藥槽流水外藥市草離離清夜風泉急玎璫叫藥師

藥師
名藥師

合掌巖

楊應琚

此石有靈根終年常合掌日暮抱琴來坐待山月上

卧游石

楊應琚

仰對半規月低看百尺松一羣五色鳥飛過錦屏峰

卓錫泉

楊應琚

高僧一卓錫流出羅浮髓時有素心人持瓢來飲水

其二

楊應琚

秋冬泉水深春夏泉水淺執此問寺僧默默不能辨

國朝七言絕句詩

席間有談羅浮神蝶者賦二絕句紀之

梁佩蘭

藥亭南海

天上文章被數重
羅浮山色共葱龍
仙人藉爾爲來往
騎踏飛雲第一峯

洞門深處綵雲開
珠樹花中結異胎
大似車輪小團扇
好遊金闕住蓬萊

卓錫泉用東坡佛跡石韻

王

煥

子千

鳥道羊腸九曲開
山僧隻履踏雲來
誰人卓錫留泉網
無澌無枯但碧苔

海幢慧輪禪師惠羅浮品物四種

萬年藤杖

宋廣業

澄溪長洲

老藤生長仙山裏
自古盤根不計年
還與老人歸掌握
朝辭陽谷暮虞淵

萬年松

宋廣業

小草勞君遠寄將
龍鱗虬鬣此中藏
移來返照桑榆外
寸晷分陰影更長

丹竈泥

宋廣業

仙人丹訣在泥丸
冷竈無煙却有煙
出實入虛無盡藏
問師大地幾時穿

竹葉符

宋廣業

朱書綠葉換青蚨
野老相傳辟蠹魚
借問韋編三絕後
不知何處著仙符

仙奕石

繆時鳴

西冷香山

涼雨微寒透短簑孤筇直上立雲窩欲從黑白分將
去只恐人間爛斧柯

老人峯

繆時鳴

物外心非世上身天風吹處絕羣塵依稀認取羅浮
路萬仞峯頭拜老人

梅花村梅花

管永賢

書誠
吳縣

虬枝鐵幹獨凌霜洞口花開發異香留與仙家團作
飯不調鼎鼎奉君王

初到梅花莊口占寄諸法侶六首

釋今但

塵異

老人峯下鐵橋邊曾有先人舊置田庄號梅花亦清
趣不妨身作老南泉

煙嵐重疊數峯紆阡陌相連百畝餘陌外溪流鐵橋
水尋常策杖意多舒

一丘一壑正相宜水秀山清慰所思塊石枕頭何代
事寥寥古道憶吾師

幕天席地卽繩床微月峯頭助夜光擁毳坐來羣動
息安心似不費商量

雨過土竈猶流水日上茅茨未起煙早炊還到午炊
熟飲啄隨時但聽天

壽昌七十亦耕田此意于今不復傳誰向禾流思砥
柱同人遮莫浪攀緣

舟過石龍見羅浮山

顧嗣立俠君吳門

秋肅高旻接翠微山花洞蝶共雲飛擡頭真見仙翁
宅不入羅浮斷不歸

九月七日自博羅至羅浮道中口占得四絕

句

顧嗣立

披絮峰巔漾日華
籃輿斷澗似浮槎
莫嫌嶺外冬無雪
早白山田蕎麥花

溪聲泱泱亂秋毫
冒雨尋山獨我曹
四百峰頭連夜雨
飛泉萬道捲銀濤

黃茅白草響颼颼
迴伏岡巒道阻修
忽見山坳濃潑黛
碧天無際擁羅浮

傍晚煙嵐漲碧空
雞聲隱隱出雲中
仙翁定是知余到
牛背重吹一笛風

五色雀

五色雀海南人呼爲鳳異物志謂山神使木客鳥迎貴人卽此雀也

羣飛數十弄毛翰五色離披亦可觀漫託仙家呼小

鳳俗情只把貴人看

余靖五色雀詩多謝相逢殊俗眼謫官猶作貴人看

竹葉符

生劉仙壇左右葉上文如篆籀

顧嗣立

翠葉縱橫畫不如斬蛇驅虎降天書劉仙祕訣難傳

得留伴芸香辟蠹魚

劉禹錫詩祕訣猶傳竹葉符

蝴蝶蘭

顧嗣立

徧地搜尋蝶蘭回筠簾顆顆白成堆紅蠶青繭絲如

瓮機上天孫不下來

卓錫泉

泉有九孔味極甘冽

顧嗣立

九孔涓涓汲更流品泉重續昔人遊詩成爲誦坡仙
句獨飲泉旁自獻酬

洗藥池

林一仙遺跡
山志不載

顧嗣立

七葉靈通飛節芝
靈通草小如箸頂開七葉虛中兩
頭實葉者服之卽通飛節芝松脂
三十年者皮中聚芝狀如
龍形大者十斤俱產羅浮丹成服食竟何之不因一
勺仙源水誰識林仙洗藥池

合掌巖

顧嗣立

真人高會此登臺巖洞空中裂地開頑石也知同聽
法峰頭合掌拜如來

舟抵石龍望羅浮山

楊應琚

此來特地訪仙踪
兩日羊城抵石龍
恰有羅浮僧在
坐向余笑指老人峰

閒坐雨花橋次吳太守韻

楊應琚

松枝覆地鳥聲低
多少山花踏作泥
雨後携琴橋上
坐西溪流水入東溪

黃龍洞觀瀑布水

楊應琚

石徑松壇小雨晴
杖藜獨傍澗邊行
峰頭兩道瀑布
水飛作滿天風雨聲

宿酥醪院晨起口號

楊應琚

石徑逶迤古木疎道人飯我摘園蔬小樓一夜空山
雨澗水新添數尺餘

登酥醪觀前山望白水門

楊應琚

白水門高縱目看碧峰尖處水漫漫飛泉直下三十
尺十里吹來毛骨寒

泛香溪

楊應琚

湛湛清波兩岼松山光雲影幾重重羅浮七十二溪
澗一水原通四百峰

題水簾洞

楊應琚

飛湍遙向懸崖落
珠箔常從雨後添
疑是漢宮三十
六月明齊下水晶簾

自香溪回望羅浮山與山誌別

楊應琚

山中一道白雲起
割破羅浮兩截青
寄語鐵橋橋下
水愛他千載獨泠泠

後序

從來勝境顯自名人在。管高編成於
巨手。向使梅嶼未逢和靖。誰傳放鶴
之高風。蘭亭不遇右軍。孰紀流觴之
盛事。唯宏稽夫玉軸。欲廣載夫琅函。
為覽朱明原鍾清淑。山分碧海來浮
島之一邱。景聚丹天合羅山為雙嶠。
似形曄而翼比若璞異而珠聯。鐵鎖

危橋臥長虹于絕澗玉霏寒瀑挂匹
練于懸崖雲起巖扉顯晦忽殊于頃
刻日生子夜陰陽始剖夫洪濛此極
百粵之奇靈盡兩間之神秀者也然
而賞與時遷物隨境換叩仙人之舊
館蜨夢難招訪高士之孤邨梅魂不
返藥槽丹竈半掩白雲玉室金堂都
埋青靄卽有摩崖健筆祇畱于苔封

斷碣之餘非無呼座豪吟僅得諸壺
蝕殘編之後不有撰述恐致淪遺然
非冠古之才莫紀鍾靈之域惟我

澄溪宋老先生漱雪心腸早挾梅花
之賦凌霞風槩常題桂樹之篇始分
製錦餘絲經綸泉石旣沛爲霖大澤
揮灑雲煙沾嶽色以東還蘭臯舒嘯
係額雲而南出菊圃畱題

先生有蘭臯詩
刻及菊圃二十咏

爰以頤養之優游樂此著書之歲月
緬浮邱之遺蹟不廢編摩思葛令之
遐踪特爲紀次採百家以立說山靈
之生面復開繪萬象以分編海外之
文章盡發非第續曼倩十洲之誌乘
爲超世之遊觀抑將共少文五岳之
圖直作曜真之主宰矣 肯

康熙五十五年丙申嘉平之吉

敕授文林郎廣東惠州府龍川縣知縣四

明後學屠孝義拜書

跋

乙未春余來訪澄溪先生於端州
郡署先生爲余重刊古文賞音行之
粵中歲十月將辭去先生要余以來
春同遊羅浮乃聽歸丙申三月束裝
東遊過大通寺邀東樵長老偕行東
樵者少出家于羅浮熟其塗徑凡巉
巖峻嶺流泉瀑布之勝登涉之險夸

出入之淺淺無不周知可以計日早
暮量力勞逸決行止之宜且長於詩
文足與先生夏唱而迭和故欲與之
俱庶斯遊之無不暢也及抵大通而
東樵難之謂水潦旣降瘴氣將作跋
履之險未若臥遊之樂因取架上羅
浮山志以贈先生覽之喟然曰是山
誠不可無志也然而猶有憾願爲山

靈一洗刷之既返署令似端州君義
承公意彙致諸書恣採擇焉先生手
披目覽正其譌舛增其闕略別其條
理每成一卷輒以相示其有疑則還
以質之東樵先生年七十矣童顏鶴
姿飄然若仙及其揮毫落紙識遠而
思精蓋有壯夫所不逮者凡八閱月
而書成粵中名卿鉅公莫不欣喜歎

服弁以序言况余朝夕相依耳濡目
染敢無一言以識其盛乎雖然余之
言何足爲先生重故鄉之士莫不注
想於先生余請挾此以歸令知先生
精神之強固意興之豪邁髦而好學
者若是以重爲知交慰也 肯
康熙丙申仲冬同里世晚生謝有輝
拜手謹題

跋

中和與

澄溪老先生蓋世交也 先君子與先

生之叔 相國文恪公爲同年和叔

父大中丞立菴公向與先生同官畿

輔仲兄肇一任青州司馬爲先生屬

員受恩最深和昔遊關中先生與張

謙齋謝靜巖諸君子引爲知己意氣

相孚回想如昨。倏已廿餘年矣。丙申秋筮仕博羅。一日遇先生於三水驛館中。先生引而進之。歡然道故語。及嶺南佳山水。未有如博邑之羅浮山者。且出所纂山志會編以示。嗚呼。郡邑山水之有志吏乎斯邑者之責也。和初至博邑。遇佳山水而不暇遊。矧暇爲志。今幸得先生先我而志之。

里同心廿年一日因念關中分袂
來和碌碌無成而先生觀察濟東辭
祿歸養品高望隆卓然推重於當世
茲就養端州又出其餘緒著為不朽
文章名山增色令似端州刺史公復
壽之棗梨貯版於山之華首臺長為
下邑光和辱叨世講而又遇是志之
適成不亦和與茲山之厚幸乎哉敢

拜手而識數言於簡末云 昔

康熙丁酉仲春惠州府博羅縣知縣

三韓吳中和謹跋

家大人雅愛山水宦遊所歷輒訪
名勝不憚登臨搜奇索興形之詠
癸巳春余小子以比部郎秩滿出
守肇慶奉大人之官度庾額望韶
石徜徉其間喜溢於色顧余小子
曰額南有羅浮兩山爲粵山之望
必有什百倍於是者會當一遊庶
不虛此行矣畱署四載近而越秀
巖遠而蒼梧

桂林無不遊覽而羅浮獨以其山之
溪徑之僻故未卽往及欲往又以春
溪瘴生終不果行爰取羅浮山諸書
彙訂之以當臥遊余小子定省時見
大人手披目覽早暮不輟竊恐其勞
神而大人樂此不爲疲也志旣成名
之曰會編兩粵名卿鉅公惠以序言
謂足使山靈增色并爲天下後世永

遊者假之耳目咸得覩聞其勝抑亦
盛矣夫志之精覈詳審閱者共知若
夫握管獨斷取材之富歲月之勤有
非外人所及見者因付剞劂而敬及
之廣東肇慶府知府男志益百拜謹
識